

005.32

8742

v. 11



第七編六

黃埔訓練時期

民國十四年三十九歲七月

至八月

# 第七編六

## 黃埔訓練時期

民國十三年十四年即二十八歲三十九歲

民國十四年

七月一日上午九時舉行軍校第三期學

生開學式。公冒暑演講謂「沙面案於悽

慘之中覺有一種光明印象。生者固悲憤

而死者則得所也。」

全稿佚

廖黨代表汪委

員及高級官長皆有演說。

下午在軍校會客廳訓誡各官長。

民國十五年蔣介石先生

第七編六

黃埔訓練時期

一一

四時與幹部學生講話。

撰成軍政意見書。書曰：（一）關於軍費

問題。查廣東全省收入統計約在三千五

百萬元。如能再加整理。或可增至四千萬

元以上。合潮梅及南路八屬而言。照現在情形。應可於三月內肅清潮梅及

南路八屬。擬提出一千八百萬至二千萬元爲

軍政費。其中以一千五百萬至一千六百

萬元作爲海陸軍常備費。二百萬至四百

萬元。作爲改良要塞。擴充兵工廠。恢復魚

雷局。造船廠。創辦飛機廠。以及擴充軍事

學校等之用。(二)關於各軍之編配。暫定名額

爲六萬人。五千。第一軍區。粵軍組織三軍。約三萬

人。黨軍組織二師。約一萬人。第二軍區。湘

軍組織三師。約一萬二千人。第三軍區。滇

軍組織二師。約一萬人。第四軍區。北伐軍

各部組織一師。約三千人。此乃照現在軍

額之編配。待至民國十五年杪至十六年  
初。擬擴充兵額八萬至十萬人之數。政府  
如欲規畫北伐。除守備廣東本省對抗香  
港福建以外。應作兩省戰鬥之方略。應認  
江西湖南兩省爲目的敵。或以湖南湖北  
兩省爲目的敵。以各該省目的敵之兵力  
計之。則我北伐動員。至少須在七萬人以

上。(三)關於各軍之編制。分爲四種【甲】三連

爲一營。三營爲一團。三團爲一師。【乙】四連爲一營。三營爲一團。二團爲一旅。二旅爲一師。【丙】三連爲一營。三營爲一團。三團爲一旅。三旅爲一師。【丁】地方警備軍。團爲一旅。三旅爲一師。【四】關於軍備之設施。【甲】改良虎門、長洲兩要塞。恢復舊日編制。設要塞司令一員。統轄虎門、長洲兩要塞。各要塞各設一總台長以指揮之。

乙一恢復黃埔魚雷局及黃埔造船廠。修理飛鷹舞鳳福安練習艦。並設練習艦隊司令官一人。丙一整頓江防艦隊。緝私艦隊。練習艦隊。和中山艦隊。直轄於海軍司。以上各艦隊。統歸海軍司管理之。另外添購潛航艇隊六艘。以三年爲完成期。丁一擴充兵工廠。一建築練鋼廠。二添設礮彈製造廠。三添購製造步槍機器。每

日能出槍一百五十枝爲度〔四〕添設製

礮廠。每月能出礮四門爲度。

第四項如經費不足擬請

緩辦

〔戊〕創辦陸軍被服織造廠。以供各軍

所需之被服。〔己〕創辦飛機製造廠。設立

一規模較大之航空學校。〔庚〕各處製彈

廠。須歸兵工廠統一管理。〔五〕關於軍事

學校擴充之計畫。〔甲〕設立軍官預備學

校。添招學生一千五百名至二千名。內分

軍用瓦斯科、航空科、及步騎、礮工、輜、各科。

〔乙〕現在黃埔軍官學校第二、三、三期學生

畢業後，即改爲高等軍事學校。內設礮工

科、參謀科、射擊科、軍用瓦斯科、飛機製造

科。如不另設海軍學校，則應添設魚雷科、航海科、造船科、機關科、潛航科等。〔

丙〕設立海軍學校，以造就海軍人材。〔丁〕

設立軍醫與軍需學校，訓練軍醫、軍需人

材。〔戊〕改良測量學校。〔六〕關於應設教

育機關〔甲〕設訓練總監〔乙〕設各軍軍事教育委員會〔丙〕設檢閱點驗委員會〔丁〕各軍師旅團設政治部訓練各軍官兵政治知識〔七〕關於軍費應設之機關〔甲〕設軍需委員會〔乙〕設軍需監督委員會〔丙〕設軍費審計處教育機關軍費機關均隸屬於軍事委員會之下〔八〕改良士兵生活其月餉每月至少爲十元〔

九) 訓練農團軍與學生軍至十萬之數。以民國十五年杪練成。(十) 軍費之支配。經常費以每月計算。一) 常備軍兵額約六萬五千人計算。預定爲十師十旅。每月約計一百二十萬至一百卅萬元之數。一

二) 海軍費。

江防練習緝私三艦隊

約四萬元。三) 三

要塞經常費約一萬五千元。四) 軍事學校費。軍官軍醫軍需軍用瓦斯測量高等

軍事等各學校。每月經常費約共二十五萬元至卅萬元。臨時費。〔一〕改良要塞費。約卅萬元。〔二〕修整練習艦隊。約廿萬元。〔三〕恢復黃埔魚雷局及造船廠。約一百萬元。〔四〕創辦飛機製造廠。約一百萬元。〔五〕建設煉鋼廠。約五十萬元。〔六〕添設礮彈製造廠。約卅萬元。〔七〕添購步槍製造機。約五十萬元。〔八〕建設製礮工廠。約

一百萬元。

此項如無款可緩設。

〔九〕創辦織造廠約

五十萬元。就以上預算之數。統計經常費每月爲一百六十五萬五千元。每年共計需一千九百八十六萬元。臨時費爲五百三十萬元。潛航艇購置費尙不在內。如本年度不能得到如此鉅數。則臨時費應列在十五年度預算案內。如果此項臨時費至明年亦不能支出。則應先辦飛機製造。

廠及魚雷局造船廠三者爲費不過二百萬元。決非難事也。此意見書應俟三個月內肅清潮梅及南路逆軍後實施。現擬擇要試辦。

附告軍事委員會各委員

此軍政意見書草在六月廿三日沙面慘殺案以前。近見英人暴戾。更不能不準備實力。與之決一死戰。故對於要塞

之改良及魚雷局造船廠之恢復尤爲  
急務。我軍應速決心準備三個月至六  
個月內與之實行作戰。竊恐時機不及。  
然亡羊補牢猶未爲晚。及今圖之。或俾  
收桑榆之效。英人在東方勢力已至登  
峯造極時期。其弱點破綻。不啻暴露殆  
盡。若吾黨再隱忍坐視。畏縮不前。徒以  
經濟絕交一語了事。則國亡無日矣。爲

今之計。一方面須作絕交持久。爲三年五年之計。一方面準備實力。以半年內爲第一期戰備完成之期。現在應在軍事委員會內。另設一備戰專門委員會。計畫一切。分別進行。中正之意如此。未識高明以爲何如。但此意見書不必示於其他之人。請諸公注意。並作爲將來軍政改革具體計畫內一參攷材料也。

學生隊及第二三期入伍生在埔校復課。

本日大元帥府改組為中華民國國民政

府採合議制由本黨中央執行委員會推

定委員十六人。汪北銘、胡漢民、張人傑、譚延闓、許崇智、于右任、張繼

徐謙、林森、廖仲愷、戴傳賢、伍朝樞、古應芬、朱培德、孫科、程潛、蔣常務委員、汪北銘、胡漢

民、譚延闓、許崇智、林森、(後胡出)以汪北銘

為主席。

中央任胡漢民為國民政府外交部長許

崇智爲軍事部長。廖仲愷爲財政部長。

二日入頤養院。割治鼻瘤。

三日呈請任命戴任爲軍校管理處處長。

郭琦元代理軍醫處處長。王若儼因營私誤公免職。趙

鐵公、蕭利仁爲教官。

軍事委員會成立。委員凡八人。公及汪兆銘、胡漢民、

伍朝樞、廖仲愷、朱培德、譚延闓、許崇智是也。主席汪兆銘。

六日出頤養院。

派張與仁暫代軍校步兵第一隊隊長。梁端寅暫代步兵第十一隊隊長。

七日建議軍事委員會革命六大計畫。

議曰……▲(一)發展西南革命勢力以

抗拒帝國主義及軍閥。溯自辛亥革命迄

今十有四載。全國民氣激昂。革命情緒緊

張。殆未有若今日之盛者。然國民革命運

動之發展。非出偶然。國民革命事業之完

成。尙至艱鉅。我國民政府職責綦重。不可不熟察國際間及國內之形勢。以妥定革命進行之方針。年來帝國主義與軍閥在中國橫行之罪惡。最能使被壓迫民衆覺悟。致力團結反抗之必要。而吾黨改組後之民衆運動。亦實足以應之。於是各地反軍閥抗列強之企圖。乃無不惟吾黨革命之號召。是從影響所及。帝國主義之仇視。

吾人益甚。而隣近廣東之香港。以廣東爲其在中國第一殖民地之英國帝國主義者。乃爲其尤。舉凡廣東政變。英政府無不暗助叛類。謀倒革命政府。往年六月十六日之變。必置我領袖於死地。去年商團之變。以及東江陳逆負嵎。最近楊劉叛亂。無不與香港政府息息相通。受其指使。及其既敗。港政府積其失敗之經驗。不僅不稍。

停。止。其。推。倒。革。命。政。府。之。嘗。試。且。變。本。加。  
厲。謀。我。益。急。六。月。廿。三。日。沙。基。之。屠。殺。是。  
英。政。府。於。滬。漢。嘗。試。之。結。果。直。接。向。我。革。  
命。政。府。挑。戰。也。槍。死。遊。行。羣。衆。掃。射。我。革。  
命。軍。人。直。視。我。生。番。野。獸。之。不。若。不。假。手。  
軍。閥。不。借。刀。漢。奴。肆。行。直。接。之。殘。殺。更。見。  
其。捉。襟。見。肘。迫。不。及。待。之。形。勢。我。國。民。革。  
命。方。張。之。氣。實。非。昔。日。不。能。越。廣。東。一。步。

之北伐所可比擬。我勢既張。敵謀將無已。時沙基屠殺。不過戰鬥中之初萌耳。徒斷斷于釁。自誰開。固嫌示弱。卽希望此案。尙有和平解決之可能者。亦昧于常識。英帝國主義者。與我實際上。蓋已入於交戰狀態。今後必更千方百計。以謀破壞我革命政府。我政府亦惟有認英帝國主義爲當前之大敵。要知自六月廿三日以後。再無

與英國妥協之餘地。我政府應當機立斷。表明態度。喚起全國民衆。堅持到底。始終誓與死戰而已。默察今日中國局勢。以北方言之。自國民軍歸依三民主義……且國民軍即幸得勝利。而欲以革命主義改造北京政局。帝國主義者之北京公使團。亦必重掣其肘。或將起而作共同壓迫之舉。使國民軍在北京無立足之餘地。將來

北方國民軍。或處於至艱困之境。故我不可不亟謀爲之聲援。至以長江言之。吳佩孚之勢力。誠未可輕視。趙恆惕、蕭耀南皆仰吳鼻息。方本仁亦非能抗吳之人。孫傳芳等又遙通聲氣。長江形勢。今日雖似散漫。而吳向與英帝國主義者勾結。中原戰事既作。英國必將在長江造一帝國主義者之勢力。吳必可得英人之援助。重爲長

江之中心……我政府應與國民軍分工合作。討伐北方帝國主義者之爪牙。國民軍任之。反抗英帝國主義。兼防止吳佩孚之擾亂。我國民政府任之。惟國民軍因已厚植根據於西北。即使秋間開戰。受一度挫折。猶有退守之餘地。而我政府若僅恃廣東一省。甚或廣東一省亦與帝國主義走狗之餘孽共之。殊未能自信立於不敗。

之基也。根據以上所述形勢，乃認定今後革命原則應以下述各項爲依歸。(1) 中國革命運動，因帝國主義壓迫愈甚而愈表示其發展能力。因是沿海沿江沿鐵路各交通地點之革命怒潮，特別高於內地。惟此等地帶，僅能爲運動之中心，不能爲革命之根據地。因其發展易，爲帝國主義攻擊之目標也。亦易土耳其革命不成功的。

君士坦丁。而成功於安哥拉。蘇俄革命。受  
帝國主義列強封鎖。不建都於列寧格勒。  
而建都於莫斯科。皆足爲其反證。如國民  
革命欲保持革命永久之根據地。亦宜轉  
我視線及於大陸。預備強固可恃交通可  
達。而帝國主義礮艦政策。無可用武之地。  
與帝國主義作五年十年對抗之準備。此  
種地利在西北爲甘陝察綏。在西南則爲

桂林。成都。我廣東革命政府。當視此爲可發展之第二根據地也。(2)中國革命發展之途徑。當由西南延長至西北。據此大陸。以與帝國主義者在東南沿海沿江沿鐵路而至之侵略形勢相抗拒。造成中國大革命之決戰場。此亦我政府所宜注意者。

(3)中國革命。其淺近目標。固在軍閥輿論。均謂內政不修。無以對外。實則內政之壞。

大半由於軍閥得帝國主義強力之助。方敢肆行無忌。幼稚之革命力量。乃時受其摧殘。我政府今後革命目標。應注重此點。認定帝國主義爲當然大敵。誓與奮鬪。蓋必先杜絕帝國主義與軍閥勾結之途徑。則軍閥不攻而自倒。故今日革命以對帝國主義者爲主要目的。而對軍閥不過爲一枝葉問題耳。(4) 中國革命目標。既在帝

國主義。但帝國主義。乃富有國際性者。國際帝國主義之敵。統爲吾人良友。而反抗帝國主義之工作。更爲全世界弱小民族之共同目標。故中國革命。應視爲世界革命之一。不應僅視爲中國內部之事。因是吾黨對於世界各國革命黨之聯合。應速謀實現。且尤注意於帝國主義國內之革命黨。苟其被壓迫之民衆。咸能聯合一致。

以圖抵抗。則其倒帝國主義者。將易如摧  
枯拉朽。至切實聯絡。尤在國際部之迅速  
成立。以擴大此國際運動之革命領域。(5)  
工人爲革命中有力之一成分。其對於吾  
革命前途之難易與成敗。實有莫大之影  
響。我革命政府宜努力安置爲國犧牲之  
失業工人。以解其困難。堅其志向。並設立  
兩廣工路局。以爲解決之方。兼寓 大元

帥提倡工兵之至意。原則既定。各軍事計畫。卽當本斯意旨。進求切計。實施之道。廣東問題。首在對英。故在潮梅。則英必以全力助陳逆。謀死灰復燃。在南路。則英必藉鄧本殷現存勢力。擴大反革命派之騷擾。我政府苟不能計期三月。卽在本年十月以前肅清潮梅。收回南路。則英政府謀我之機。必將因陳鄧諸逆之甘爲傀儡。授以資械。增大

其殘餘勢力。危及革命政府。是故欲圖廣州。革命根據地之安全。必須以最短期間。收回南路。與潮梅。使反革命派無所託足。帝國主義無所憑藉。爲先決條件。然卽此亦不得謂英政府便不足再爲吾人之患。矧今日情勢。我已成英死敵。我革命政府統一廣東之後。若仍率由舊章。以北伐爲志。則英帝國主義者。必將助長江軍閥。迎

擊我軍。復利用其香港地勢。擾亂吾人之  
後方。腹背受敵。首尾不能相顧。是正中英  
人之詭計也。我苟智者。亟宜改變方向。以  
發展西南革命勢力。尋求第二革命根據  
地。爲最近將來之最大工作。廣西形勢最  
關重要。我欲會師中原。僅由韶關正面北  
進。覆轍堪虞。必不足恃。若我軍同時能由  
四川以下湖北。由桂林以出湘西。此策之

上者。否則最低限度。亦必由桂林出師。

先大元帥首次北伐。本由桂林前進。以扼於陳逆而止。此往事之最可惜者。今宜注重廣西。使與廣東成爲一體。於桂林設置大規模之製彈廠。與飛機廠。以充武備。修兩廣公路。以利交通。開廣西礦源。以興實業。如是則廣西可用。廣東可守。又必以一年之力。儘民國十六年內。入湖南。收雲貴。

兼及西川必使軍隊被革命教化人民受  
革命薰陶合西南全力以與帝國主義及  
其走狗軍閥相抗拒其勢足震動全國且  
國民軍之力已及陝西我能直達四川則  
革命勢力西南與西北啣接一氣合力並  
進黃河揚子江兩流域皆不難定矣故我  
政府應決定大計再簡單言之應爲以下  
三條〔一〕三個月內即本年前必將廣東

境內之殘逆。一律剷除。以杜帝國主義者之勾結謀亂。二二儘本年內。將廣西軍政。整理完竣。建設事業。亦次第興辦。使兩廣同爲革命政府之根據地。三三儘民國十六年內。將貴州、雲南、湖南、四川四省。一律置於國民政府之下。使西南重行團結。與北方國民軍得相啣接。懸此鵠的。併力以赴。再積三年之備。國際情形之變化。必已

可觀。彼時與英帝國主義。無論勝負。誰屬。皆足引起全國及全世界革命羣衆之注意。此不僅我國革命成敗之關鍵已也。惟我國民政府實利圖之。▲(二)革命軍隊。積弊。革命工作。不僅在滌除舊穢。且當於除舊之際。建立新猷。使舊者因新者之來。不得不去。而新者亦鑑舊者之失。力圖更新。此交替之理。實爲革命原則。歷久不爽。

反之。新猷不建。徒恃排舊。舊者必不能去。且或因其被排。而變本加厲。益謀自衛。證以十數年來革命中之軍事行動。益信其然。原武力革命。其要義在以新勢力之武裝。替代舊勢力之武裝。中國自辛亥革命迄今。北洋軍閥之得以盤踞要津。流毒全國。延長封建舊制。由於帝國主義利用之。爲工具者。半由於新的革命勢力未曾武。

裝自己。授舊勢力。以蔓延之機者。亦半北方。無論矣。卽在西南。革命年年。一切武力機關。幾何曾操於革命黨人之手。軍規軍制。更視北洋爲不及。故西南軍隊。名爲革命。實則內容腐敗。甚於舊式。組織編制。雖名目時見更張。然考其實際。兵無實額。槍非實數。隊伍零落。系統紊亂。升降不均。賞罰無則。參謀無作戰之備。經理無可稽之

冊。有言稱成軍者。其額數或僅百人。或尙不及百人。貽人以無兵司令之譏。有自稱司令者。聚土匪以成軍。劫民槍以爲械。招搖過市。倘其聲勢動人。定有收編之望。有專以兼併隊伍爲事者。苟有可以利用之機。便極其挑撥能事。使人自相殘殺。我便從中漁利。以如斯之人。有如斯軍隊。其心目中幾曾有革命意義。一切權利咸爲個

人。軍隊爲個人而設。事功爲個人而圖。虛  
報軍額。吞沒軍餉。強劫稅收。庇賭包煙。通  
盜運私。干涉民政。霸佔機關。流弊所及。甚  
至一官之設。亦必須徵其同意。一稅之收。  
亦必須交其經手。財權武力。兼於一身。驕  
奢專橫。相因而至。軍官之富者。多積資在  
萬數以上。而兵士則窮至衣不蔽體。至其  
爲害地方。更觸處皆是。人民畏兵。甚於畏

匪。狡。黠。者。寧。爲。匪。以。抗。兵。謹。厚。者。非。遠。離。  
鄉。里。卽。死。於。溝。壑。禍。害。之。烈。死。亡。之。慘。有。  
心。人。所。爲。長。嘆。息。亦。卽。先。大。元。帥。所。痛。  
心。疾。首。成。其。致。病。而。死。之。由。也。今。先。大。  
元。帥。逝。矣。我。軍。事。委。員。會。受。中。央。執。行。委。  
員。會。委。託。秉。承。遺。志。屆。茲。廣。州。反。革。命。派。  
方。告。肅。清。之。後。革。命。軍。事。工。作。正。將。發。軔。  
之。日。吾。人。將。不。祇。滌。除。舊。穢。且。將。根。據。舊。

穢之癥結所在。從而改樹新猷。務使楊劉  
倒後不復。再有楊劉繼起之可能。更不復  
再有楊劉繼起之可能。環境舊穢不生新  
基始立。爰本此意。爲革命將士條列其應  
注意之工作。如此。敬希議決。公布。以便周  
知。一、軍隊革新。重在掃清積弊。舉凡舊  
日薰染之惡習陋規。必須盡量革除。務使  
軍無空名。兵無空額。軍餉預算。整理報告。

釐然有序。然後可以言改編。計整頓。二二  
革命軍之組織不在多。而在精。不在數。而  
在質。不在罰。而在教。苟能去惡留良。分別  
編制。勤以訓練。厚以教養。嚴以軍紀。指導  
之以主義及政治觀念。則未有不可以成  
良軍隊者。三三革命黨人。重在武裝革命  
羣衆。變舊日軍隊爲新式組織。施以嚴格  
的政治的、軍事的、教育與訓練。使成爲有

主義之軍隊。爲人民痛苦而奮鬥。爲人民利益而努力。能如是。則武力與人民相結合。武裝革命羣衆。即可得到初步之勝利。

〔四〕革命軍之功效。不僅在結聚革命羣衆而成軍。並且能散軍於俄頃之間。使復返於有訓練之革命羣衆。蘇俄五百萬赤軍。能於鎮壓反革命之後。解散至五六十萬之衆。無稍變故。亦無騷擾。使國家驟減。

其負擔。人民頓復其工作。此其功不在鎮壓反革命下。我革命軍人。本以解放人民痛苦爲職志。爲解除人民之倒懸。雖犧牲生命。猶所不惜。個人權位。更何足計。若抗命盤踞。以害人民。又與反革命軍有何差異。反革命軍在所必去。遣散更何足惜。何去何從。我革命軍人。必知審擇。〔五〕革命軍之組織。重在集權而持平。今茲改組。凡

我軍人。均宜聽命於軍事委員會。不得稍  
持異議。亦不得各自爲政。而軍事委員會  
一本本黨之主義。決議一切。實施編練。夫  
然後授命有方。聽命有道。革命前途。方得  
於此新築之基。發揚擴大。永滌舊穢。而無  
遺也。▲(三)統一財政。統一爲革命  
政府。討平逆軍。後第一要政。實行與否。非  
僅政府威信所關。直當視爲國民革命之。

生死問題。各軍將領宜如何忠實奉行。立將佔守之財政機關交還政府。乃訓令頒布。瞬將匝月。而各方之把持者如故。甚或佔領之地盤較前更廣。以致抗令自肥者。收入益豐。恪遵訓令者。竭蹶愈甚。或且有斷炊之虞。豈僅非事理之平。實際亦斷難爲繼。而要政因以停頓。民困無由稍蘇。前此猶可諉過於楊劉。今更何以自解於羣。

衆心所謂危。未忍緘默。及此國民政府及  
軍事委員會委員相繼就職之時。亟應再  
申嚴令。限於七月十五日以前。一律將各  
徵收機關交出。並應明白誥誡。交還以後。  
不得稍有干涉行爲。卽推薦經徵及民政  
人員。以爲變相之把持者。亦應在嚴厲禁  
止之列。各軍高級官長。應切實督飭各部  
隊奉行。其仍有抗不遵令者。應卽秉承政

府施以極嚴重之懲處。不得再稍姑息。各軍將領皆忠於主義。政府果有極大之決心。採用果斷之方法。決不難令出維行也。爲此緊急提議。敬希立即公決施行。▲（四）整理軍隊。軍事委員會成立。示國人以改組軍隊。整理軍政之決心。凡屬革命軍人。諒無不深表同情。願受改編。惟軍隊改組。重在統籌全局。確定改編計畫。師團

若干。人數多寡均宜應革命之需要如何。定其標準。編制既定。卽當首謀軍隊內容之審核。苟其內容複雜。分子不良。而組織又萬分零星。歸納不易。則寧犧牲此不良及零星隊伍。設法淘汰。遣散。決不宜使新定編制。因此受損。革命大計。蒙其影響。故必以最大之決心。在最短時期內。完成此項整理之目的。茲謹略擬辦法大綱。以備

採擇「一」軍事委員會決定整理方針。明訂應收納改編及應遣散之範圍。通令各軍遵辦。「二」限期一月。令各軍一律自行查明編制不合之隊伍。呈報委員會。委員會亦應自定調查辦法。冀得真相。「三」限期二月。令各軍一律自將編制不合之軍隊遣散完竣。其有在各軍權力範圍以外者。或其兵力不足時。應由委員會酌令其

他各軍。共同辦理遣散事宜。〔四〕附逆已  
久之部隊。此時卽受我編制。終必與帝國  
主義者勾結。以爲我國民政府之後患。在  
整理方針內。尤應特加決定。本除惡務盡  
之旨。一律遣散不良。旣去改組之目的。可  
成零星盡裁編制之統一。方易必如此。軍  
事委員會之效能。國民革命之前途。方能  
使國人信賴。且爲統一訓練。統一財政計。

亦非此莫辦。其遣散應有之籌備事宜及  
詳細辦法。悉候公決。▲(五)利用罷工工  
人。建築道路。此次香港工人。爲反抗英帝  
國主義者之屠戮同胞。一致罷工。棄職返  
省。其爲國犧牲之精神。凡在國民罔不致  
敬。紛起爲其生計上之後援。我國民政府  
亦已決議徵收全市房租半月以爲之助  
矣。惟彼虜兇殘至極。必不遽爾屈服。在我。

非有極大之決心。輔以縝密之規劃。準備作持久之戰鬥。決難得最後之勝利。熟察情勢。有亟須審慎考慮者。一、此時由港返省之工人。已及三萬。尚有續至者。人數既衆。給養惟艱。目前卽暫無問題。爲日稍久。恐難支持。二、罷工工人。現每日每人僅發生活費二毫。以廣州市生計程度之高。其困苦可想。工人爲愛國心所激發。自

能茹苦忍受。然以平時日可得工資半圓  
或一圓以上。且其中除本身外亦必尚有  
事畜之累者。長令作此鉅大之犧牲。於心  
既有未安。於事亦多可慮。三三工人多年  
富力強。平時皆生利之人。此時忽成仰食。  
爲社會全盤生產計。亦至可惜。今惟有集  
國家與社會之資財。利用工人之精力。於  
最有利益與最易舉辦之事業。給以相當

之工資。然後上述諸端皆可無慮。則建築  
國道或省道爲最善矣。應由國民政府特  
設工路處。收容全國罷業工人。以建築道  
路。專任委員。規畫其事。目前應築之路甚  
多。舉其最要者：(1)由韶關經連縣、連山、  
富川、平樂。以達桂林。(2)由桂林經陽朔、  
平樂、昭平。以達梧州。(3)由曲江、北經樂  
昌。以達坪石。東達始興、南雄。(4)由廣州

經增城、龍門、河源、龍川、五華、興寧、梅縣。以  
達大埔。(5)由增城經博羅、平山、海豐。以  
達揭陽、潮州。皆宜早日興築。英帝國主義  
者。方欲困我於封鎖狀態之下。我不可不  
亟謀各地運輸之便利。以圖自救。路成以  
後。人民皆知此路由何而建築。尤足爲反  
抗帝國主義不朽之紀念。勝於筆舌之宣  
傳萬萬。且築路餘暇。若再酌加編制。施以

軍事及政治之訓練。以植工人軍之基礎。於國民革命之前途。尤爲有益。一舉數善。實無庸疑。或慮罷工工人操業不同。習慣各異。未必盡人願爲路工。然值此愛國熱度正高。疏導必非無術。且前次海員築路。今次工人亦自議修築黃埔馬路。均可見工人願爲國家盡此義務。果能妥籌辦法。何難利用擴充。或又慮此時財政困難。路

工經費。籌集匪易。然路工人數。暫以三萬人計。每日工資四毫。則每日工費共計祇一萬二千元。每月約計三十六萬元。廣州如能抽收房捐三個月。即可作三萬工人四個月以上之維持費。果能維持四個月之久。則道路已可築成數處。交通便利。開發實業更易。社會各方必多贊助。以我國民政府之地位。言則修造道路。運河以利。

民。行。爲。先。大。元。帥。手。定。建。設。大。綱。之。首。  
要。本。宜。排。萬。難。以。行。之。豈。可。更。失。此。良。好。  
之。機。會。敬。希。詳。議。辦。法。早。日。施。行。▲（六）  
統。一。兩。廣。廣。西。一。省。在。西。南。地。理。上。最。占  
重。要。在。革。命。歷。史。上。亦。至。密。切。此。次。唐。繼  
堯。勾。結。楊。劉。爲。亂。亦。先。謀。攫。得。廣。西。以。遂  
其。推。翻。我。革。命。政。府。之。陰。謀。幸。廣。西。各。軍  
皆。忠。於。政。府。協。力。討。唐。政。府。遂。得。奏。殲。逆。

之績。使廣西稍有動搖。大局安危。或未可知。先大元帥首次北伐。亦議由桂林進兵。今國民政府成立。首與英帝國主義者相周旋。事之艱鉅。百倍往昔。欲謀內部之鞏固。及預立政府。第二根據地。皆非使廣西完全立於我國民政府之下。廣西民衆完全得享受我政府所欲貢獻於人民之利益。不可廣西各軍。今固已秉承國民政

府之訓示。然軍制未劃一。政令未密接。猝有緩急。或難收指揮如意之效。其建設事業。如教育、交通、實業諸大端。廣西以相距稍遠。未得與政府所在地之廣東同一重視。尤無以促進廣西人民擁護我政府之熱誠。今宜由形式之關聯。進而謀實質之統一。國民政府應將議決之軍政各案。責成廣西各軍。一致奉行。不得稍有歧異。其

確因情勢不同。不得不稍加變通者。亦應由各軍呈報國民政府。詳舉理由。聽候政府議決辦理。凡此軍政上之統一。廣西各軍將領。皆忠於國民政府。必不致稍有異議。其關於建設之計畫。政府尤應將廣東、廣西視同一體。同時進行。以宏國民之視聽。而樹全國之風聲。是否有當。敬候公決。

潮梅建設同志會請剿辦洪兆麟 時陳

逆部洪兆麟。復率衆從閩南侵入豐順。潮安。汕頭。境內。熊略向梅縣。劉志陸。黃任寰。向五華。王定華向興寧。李易標向和平。老隆。並煽誘漳州張毅。犯饒平。汀州王獻臣。擾大埔。在松口開軍事會議。謀迎炯明於滬。於是該會請公急勦之。

唐部龍雲。由南寧退回龍川。范石生準備入滇。

八日。在長洲司令部辦公。因勞苦過度。病腦充血。甚險危。

九日。公鼻孔流血不止。

派王柏齡代理軍校教育長。因胡謙請病假。楊志

春代理軍械庫庫長。

許總司令派莫雄率領全旅。送楊坤如降

部回守惠州。自是雄與坤如有聯結。

十日。上午公衄。加劇。十時赴病院。步至門。

外。仆不省人事。扶回上牀。約十分鐘時。醫  
來施血針。塞鼻孔手術不良。熬痛難堪。晚  
進院。

建議中央執行委員會。請設入伍生教練  
所於桂林。議曰。帝國主義與軍閥爲國  
民革命之對象。除喚起全國民衆之覺醒  
外。必求發展革命之實力。軍事上幹部之  
養成。尤爲必要。黃埔陸軍軍官學校開辦

以來。政治宣傳與軍事訓練。同時並進。物  
著成效。今值國民政府成立。欲趕速完成  
國民革命之使命。自必對於此項革命軍  
幹部教育。積極進行。第二期學生。已將畢  
業。第四期當即謀開辦。惟黃埔校址有限。  
且僅如以前三期。每次招收數百人。或數  
千餘人。恐尤不足應時勢之需要。自沙基  
大屠殺案發生後。我政府已與帝國主義

者更無兩立之餘地。環顧國內形勢。東江南路。餘逆猶存。北方軍閥。尤多甘爲帝國主義者之俛。協以謀我。必不在遠。除軍事大計前已別具芻議外。宜在桂林設立大規模之入伍生教練所。以能容二千至三千人。爲度。儘本年十月內開辦。桂林實爲會師中原之要道。入伍生教練在此舉行。匪僅軍事上可作模範。在政治宣傳方面。

尤必能予當地民衆以極良好之影響。關係革命前途實非淺鮮。桂林地方於練兵最爲相宜。公家宏敞屋宇甚多。校舍亦非難覓。中正知之有素。提議在桂林開辦入伍生教練所。實幾經考慮。認爲發展革命軍事之重要關鍵。倘政府不以爲謬。應請速與廣西省當局接洽。並卽籌備經費。及一切進行事宜。敬此提議。卽希公決施行。

十一日。上午。醫取塞鼻布。不得出。痛極。至  
晡始下。

上書許總司令密陳整理軍政計畫書  
曰。此次整理軍政。政府抱有極大決心。袍  
澤亦同具覺悟。復得麾下主持提挈。各方  
欣忭。企盼厥成。然戡亂以來。瞬已四旬。整  
理方針。雖早內定。具體宣佈。尙未有聞。值  
茲民氣興奮。時局緊張之時。每起日月逝

矣。歲不我與之感。竊謂軍制統一。端緒至繁。軍額釐定。大計易決。聞政府擬先點驗各軍槍枝。將以槍枝實數。爲軍額標準。此懲於從前軍旅以少報多。或竟多係徒手。並無槍枝之弊。自屬切要辦法。惟點驗手續繁重。編組將益稽遲。且槍枝良窳不同。有槍之兵。未必人人精壯。僅以有槍與否。爲編制標準。仍非持平澈底之道。故槍枝

固須點驗。然僅爲軍額確定以後整理手續之一。目前宜先就國民政府需要之軍額。及如何就現有各軍妥爲分配之法。提前決定。然後就此綱領責成各軍按步進行。認真訓練。槍枝雖多而未盡可用者。由政府給價收回。可轉令農團等備價具領。政府無庸另費巨款。槍枝不足而確應訓練者。由政府核實發給。如此則費時不多。收效較鉅。蓋整軍所以

經武。此次整理軍政。當有兩大目的。一爲能適應本黨革命方略。使在軍事進展中。足資分配。尤必練一兵。能得一兵之用。二爲能適合廣東財政狀況。使餉源確實。不致再有兵士飢餓困苦。及將領畫地籌餉等事。由前者言。軍額不能過少。現在各軍之特殊關係。尤未宜忽視。由後者言。軍額又不能過多。積極擴充。當待財政充分進

步以後。查廣東各項稅收。照現在狀況。年

祇一千八百萬元。

潮梅及南路  
八屬除外

然潮梅南

路。必於三個月內肅清之。全省統一以後。

至少可增收一千萬元。鴉片實行公賣。寓

禁於征。辦理得宜。至少可收入一千萬元。

再加其他各項整理。必不難增至四千萬

元以上。擬以歲入之半數。爲軍政經費。卽

每年約二千萬元左右。其中應以四百萬

元。作爲改良要塞。擴充兵工廠。恢復魚雷局。造船廠。創辦飛機廠。及擴充軍事學校等之用。每年常備軍費。可得一千六百萬元以上。以每兵每月費銀二十元計。每年每兵二百四十元。實可養兵六萬六千人。此時宜卽暫定軍額爲此數。一年以後。再視財政之狀況。再計擴充。如我政府欲規畫北伐。則除守備廣東本省對抗香港福

建以外。應作兩省戰鬥之方略。卽認贛湘。或湘鄂兩省爲目的敵。以該各省目的敵之兵力計之。我北伐動員似未能過少。然果訓練精良。以革命軍必能以少勝多之理推之。當亦足以應敵矣。總額既定。卽宜進而研究如何就現有之各軍編配之問題。中正之愚。謂宜暫定爲四個軍區。其支配大略如左。第一軍區。粵軍組織三軍。約

三萬人。黨軍組織二師約一萬人。第二軍區。湘軍組織三師約一萬二千人。第三軍區。滇軍組織二師約一萬人。第四軍區。北伐軍各部組織一師約四千人。此部或與第二軍區合併。就現在各軍人數論之。以上所擬較厚於湘滇兩軍。惟粵軍必有一部分可改充省防之用。湘滇等軍在政府規畫北伐時。無論由何道進兵。其所負責

任必甚重大。大人數不宜過少。且組安益之。諸公擁護革命政府。熱忱尤著。在此敵黨造謠誣我排斥客軍之際。此議提出。其所收良好之影響。尤難言喻。凡茲所陳。殆已爲盡籌所及。惟芻蕘之見。未敢自默。謹此密陳。惟希睿察。抑中正。尤有言者。陳炯明、林虎等逆部。叛黨叛國。罪惡昭著。此時猶全無悔禍之誠意。我若曲予收容。即使其

形式上暫能就範。異時必仍反側爲害。陳  
炯明、洪兆麟既能負先總理何能不負。  
麾下在此整理軍政之初。對於若輩宜存  
除惡務盡之心。免貽滋蔓難圖之悔。彼等  
部隊必一律遣散。未便列入軍額預算。經  
之愚實爲革命大局計。當尤麾下所能  
鑒察也。

軍校復開政治班。聘胡漢民、汪兆銘、廖仲

愷甘乃光爲教官。訓練綱要(1)帝國主

義的解剖(2)中國民族革命問題(3)社會  
發展史(4)帝國主義侵略史(5)中國近代  
民族革命史(6)各國政黨史略(7)各國革  
命史略(8)三民主義

十五日近感天氣奇熱今天忽大風。公  
云爲數十年來所未有也。

十六日製野外演習預定表。

呈請任命陳壽昌、徐雄爲軍校少校教官。

十七日。呈請調任任文海爲軍校軍醫處黨代表。謝翰周爲後方醫院黨代表。

十八日晚七時。軍校開教育行政會議。公主席。議決請病假者由軍醫處會同教練部核辦等案。

十九日。呈請任命袁同疇爲軍校秘書。

自是日起。軍校晨設麵包。晚豆飯。以赤豆三成米

七成  
合煮

校中多有罹腳氣病者。醫稱食物

中毒與地氣亦有關係。衝心即不治。乃以

此為預防法。

二十日呈請任命邵力子為軍校秘書長。

令授新兵精神教育。

令曰查新兵精神教育前已纂訂專書分

發各部隊官長依照訓練近自旋師平亂諸事倥偬擴充補編甫經成旅既勞形於枵作或淡視乎教規鏡塵不拭茅塞頓生為此通令各部隊官長務即遵照日課定章將書內切要各部分如餉給槍彈等等關於立身之本惜物之端革命之要旨救

國之真諦。詳加解釋。時為宣傳。庶幾萬眾。一德。念念在茲。外物無蔽乎心。遇事各竭其力。我軍厚幸。跂予望之。此令。

二十一日。出頤養院。凡住十天。

二十二日。呈請任命褚民誼為軍校軍醫。

處處長。未到任以前由金誦盤代理。

軍校甄別第三期學生並嚴門禁令。（一）近

查各隊學生程度不齊。優劣相差太遠。是以施教之官。苦無標準。進步因受阻礙。亟應分別高低。另行編隊。着張主任教官。嚴總隊長。會同擬定試題。分派教官。於二十

六日午前試驗三十日榜示三十一日編  
隊(二)查此次入伍生升學爲第三期學生  
其中尚有多名因傷與病或愈或有未痊  
逗留醫院者頗不乏人着自通令之日起  
概須參加此次試驗俾便分等編隊如萬  
不獲已未能來校與試者均著編入入伍  
生隊復習俟下期開班再行編配(三)今日  
學生信仰主義之堅否品格之高卑學術  
之短長性情之真僞儀容之邪正言行之  
虛實服務之勤惰等項實爲革命軍人之  
基本教育設不時加考察將何以資陶養  
着各隊官長每月按照表式考查尤須注  
重品格填列考語呈報其有品格不端者  
學術雖長亦在所不取仰將此意宣佈周  
知(四)軍隊門禁之嚴所以謹內外示警戒  
勤課業也乃近查各隊學生自由出入至

晚不歸。官長失於譏察。學生狃於習慣。長此以往。軍紀蕩然。難免宵小變裝潛入。着自通令之後。各隊學生。責成各隊官長。兵仗責成管理部。其有容留親友。一經察覺。無論官生。定行嚴懲。決不姑貸。此令。

二十三日。檢閱黨軍第一師。畢與廖黨代表商議財政。公以餉饋不繼。徒沾餘瀝。爲之。藪然淚下。

考覈特別官佐令。

令曰。查本校各部特別官佐。人數繁多。辦事盡

職者。固不乏人。而無事可辦。掛名在外者。亦復不少。亟應統查整理。改編合行令仰

各該部處總隊迅速查明該特別官佐官階姓名年歲出身現辦職務及奉委日期保薦人姓名列表限令到之日具文呈報倘有遺漏卽着撤銷毋違切切此令

### 調動人員領薪令

令曰爲令遵事查本校人事日繁時有調動若不釐定官佐領薪手續勢必諸弊叢生着自此次通令之後調差在上半月者歸新

調機關請領在下半月者其本月薪水仍歸原任機關請領合行通令一體遵照此令

### 令截扣伙食費

令曰爲令遵事查本校學生凡事假公差入醫院其

伙食向無呈繳軍需處之例相沿日久虛糜不貲倘不及時改革無以重公帑而節

費用。着自此次通令之後。所有事假。公差。入醫院學生之伙食。一律截扣。呈繳。庶涓滴歸公。集少成多。既可補助義助金之不足。又可作特別費之開支。事屬易舉。有益公私。合行令仰各隊一體遵照。此令。

### 申令清潔衛生

令曰。暑中最易發生疫症。着軍醫處長院長切實督

責各部隊軍醫等。於清潔衛生認真辦理。尤須於廚房廁所暗溝浴室倉庫飯廳寢室等處。每日派軍醫輪流檢查。灑石灰粉。或避疫水。而對於飲料及菜蔬會同管理。處切實注意。指定總須求其清潔。不發生疾病為度。以後每月將以上各處詳細檢查一次。並督責其大掃除為要。此令。

二十四日呈請任命杜從戎爲軍校第十

隊隊長。

因李春茂免職也。

二十五日呈請調任蔣鼎文爲黨軍第一

師第五團第一營中校營長。

廣西將領會議以李濟深守梧州。李宗仁守桂林。肅清沈鴻英餘孽。

二十六日上午八時軍校舉行第三期學生素養檢定。

午正詣軍事委員會參與會議並演講統

一軍隊名稱及打倒帝國主義（節錄剛才主席與各

位總司令各位委員對於軍事委員會的各種方針各種計劃各種組織都已經詳

細說明了現在本席講最緊要的軍政統一問題統一軍政必自統一名稱始如舊

日湘軍滇軍桂軍粵軍等等以省為別的名稱都應一律取銷另用統一的稱號在

軍事委員會會擬有三種名稱（一）國民軍（二）革命軍（三）國民革命軍其要義不外指

明我們國民黨召集優秀國民所組織的軍隊是以革命為主旨所以國民革命軍

乃為最切合的名稱……最初帝國主義者利用袁世凱是要袁世凱制革命黨的

死命。繼起的黎、馮、徐、曹，倚帝國主義者爲背景，也如出一轍，無時無地不想打倒我們。革命黨……各位還要曉得，帝國主義者最凶狠的……一個毒計，就是挑撥中國國內的戰爭，使我們不能建設他，殺了國家四分五裂，不能統一。不能自相殘殺，國家四分五裂，不能統一。不能建設他，殺了國家。這些戲票錢，直要我們中國人民的生命。化作礮灰，還有帝國主義者在中國用的慣技，就是遇到與他帝國主義利害衝突的時候，他決不肯拿他本國軍隊來同我們革命軍打仗。這亦是他勢有不能，因此他只有拿金錢來買我們中國不愛護國家的軍人來犧牲，對我們革命軍打仗，譬如庚子年，聯軍攻北京，首先入北京的，並不是外國兵，實在是老番所僱用的我們中

國廣東的潮州兵。這個慣技。到了今日。愈用愈精了。不但買北軍來打南軍。買反革命的軍隊來打真革命軍。還要買假革命軍。的軍隊來打真革命軍。你想可痛不可痛。可恨不可恨。所以我們反對帝國主義。並不單因為他表面上壓迫中國人民。實在是在深切處。看到他帝國主義。因為資本主義發達至最高程度。造成經濟恐慌。不得向殖民地。次殖民地。肆行榨壓。以圖苟活。更痛恨他買中國人來打中國人的毒計。由此可知。帝國主義。實為吾人的死敵。其間絕無妥協調和的餘地。我今天可以說。帝國主義不倒。中國必亡。中國不亡。帝國主義必倒。今日正是世界上帝國主義與反帝國主義一場最後的大激戰。不但在北方。帝國主義利用軍閥阻止革命。

即在南方。帝國主義亦無時不思利用反  
革命和假革命的軍閥。以妨礙革命勢力  
的發展。務使革命勢力消滅而後快。……  
香港政府既暗助楊劉。楊劉不倒。革命政  
府必不能存在。我們若不將楊劉打倒。香  
港政府早已統治了廣東了。所以此次楊  
劉失敗。就是香港政府的失敗。諸君聽此。  
可以明白我們革命軍形式上雖與國內  
軍閥打仗。實在是無時無地不與帝國主  
義爲敵。……就常理來說。軍閥受帝國主  
義的暗助。既有錢。又有械。應大得其勢。然  
實際上軍閥在北洋及西南的。都不能延  
長其生命。至三四年之久。袁世凱要算是  
超等的唯一軍閥了。然而他依靠帝國主  
義者。借款購械。壓迫民黨。到了結果。還是  
自斃。帝國主義勢力雖大。也不能救住他。

的壽命。於此可知軍閥雖有帝國主義者做護身符。但因為與人民利害相反。不僅不能得人民之助。且遭人民激烈的反對。無論他的外援如何強大。總敵不過民衆反抗的力量。所以他的結果。總是失敗。此次滬案發生。廣東工農商學兵聯合的興起。足以使帝國主義者膽寒。中國民族革命運動的精神。更引起了沿印度洋紅海地中海的被壓迫民族壯大的獨立呼聲。直嚇得帝國主義者向吾人發抖……：：：帝國主義國內真正握政權的。不過少數資本家特殊階級。而最大多數的無產階級。卻一樣受苦。一樣反對其本國帝國主義。苟帝國主義與吾人開仗。正是他無產階級推翻資本主義千載一時的機會。他們決不會輕輕放過。而且必能與我們革命。



閩助長印度內亂。他不費一彈。竟佔領了全印度。英國人這個用在印度的慣技。現在用到中國來了……還有些軍閥。如同馮國璋。曹錕。張作霖之流。賣國的錢實在太多了。他全部都還在外國銀行。抽一部分自己來開銀行。或是工廠。那裏曉得我們中國人無論做什麼買賣生意。只要外國帝國主義者少許用些資本。立刻就可供你壓倒。你用五百萬資本開工廠。那裏抵得過外國用五千萬資本來與你競爭。所以帝國資本主義不倒。中國人做生意的都不能自由。他要你中國銀行工廠那一天關門。你就要那一天關門。這是說中國今日還有半獨立國名稱存在。如果一旦爲帝國主義者用經濟力量亡了中國。那時不但是不許你開銀行做生意。就是

你。在。外。國。銀。行。的。存。款。也。不。許。你。自。由。取  
用。你。要。提。取。少。許。都。要。被。他。監。督。用。度。這  
不。要。看。別。的。只。看。台。灣。和。韓。國。的。富。翁。在  
日。本。銀。行。所。存。的。錢。支。取。的。困。難。監。督。的  
嚴。密。就。可。明。白。了。這。樣。看。來。現。在。受。了。帝  
國。主。義。的。金。錢。賣。了。自。己。的。國。家。等。到。國  
賣。完。之。後。所。得。的。賣。國。錢。仍。舊。還。給。買。主  
你。看。上。當。不。上。當。呢。：。：。我。們。革。命。軍。以  
後。只。希。望。同。外。國。帝。國。主。義。直。接。打。一。仗。  
極。望。中。國。軍。人。覺。悟。再。不。自。相。殘。殺。這。樣  
無。論。那。一。省。來。與。帝。國。主。義。開。仗。就。是。燃  
着。了。中。國。大。革。命。成。功。的。導。火。線。亦。就。是  
燃。着。了。世。界。大。革  
命。成。功。的。導。火。線。

二十七日。調集教導第一二三四團機關

槍連各連長來埔實習新式機槍。

二十八日午後一時召集軍校各部處人員開改定編制會議。

四時謹跋。總理北上時手贈中國國防地圖。

呈請任命王文翰爲黨軍司令部副官處處長。沈良爲管理處處長。陸福廷爲交通處處長。

二十九日下午看歐陽著對英主戰論命題十餘課學生。

呈請任命汪世鎔馬光波萬夢麟爲軍校少校教官。

是日俄新勿羅保羅艦運煤到埔。英人謀斷我燃

料之計破矣。

三十一日傍午赴虎門檢閱第四團第一三兩營至晚。燕會講演。是夕宿於船中。

# 重申紀律令

令曰。爲令遵事。查本校乃本黨於環境壓迫之中。艱難締

造。以圖養成黨軍中堅之幹部。故無論官生。皆負重大之使命。應如何自立。立人。自達。達人。以樹革命軍之模範。乃東征而後。回師以來。竟因專力前方。一意作戰。致後方軍紀。日見懈弛。無以繼續先烈奮鬪之精神。是應重申紀律。各明職守。總使官不戀私。生不越軌。寧繩法以傷情。毋徇情而壞法。如官生之間。非關課程公務。官長不得招致學生於寢室。以說私。學生不得逕入官長寢室。以坐臥。其餘一切行動。均應恪守軍紀。倘或陽奉陰違。洩漏其職務上之行事。與刺探行政上之意圖。一經查覺。定予嚴懲。仰各懷遵。爲要。切切此令。

八月一日赴沙角。檢閱教導第四團第二營。

中央派邵力子赴張家口。參與國民黨代表會議。

三日呈請調任杜從戎爲黨軍第四團第一營代理營長。遺缺委周漢偉代理。入伍生第三營期滿入校。

是日建國第四軍軍長黃明堂解卸軍權。

## 部衆資遣回籍。

四日埔校開追悼沙基死難烈士大會公

主祭演說。

〔節錄〕今天本校本軍全體同志追悼沙基死難諸烈士大家在

此赤日酷暑之中都能嚴肅恪敬表現沉痛哀悼的意思可見烈士之死死得其所了。但是我們還要曉得我們今天追悼諸位烈士一方面固然是悲哀一方面也是我們未亡人很光榮的日子。這光榮是先烈之血換給我們的。因為將來我們國家我們人民能得着解放平等的幸福全賴這些死難的犧牲得來的。所以我們生存了一天就要一天記着死難諸烈士不要忘了。他們死難痛苦慘傷的情形我們今天

追悼他們。應該在精神上留個永久的紀念。時時不忘報仇雪恥的責任。應該認清。先烈是替我們死的。我們是他們的化身。我們要用先烈的奮鬥精神爲先烈報仇。才對得住先烈。才不愧爲後死者……我們既然處在這麼一個環境。自然應當格外奮發。不努力也要努力。不奮鬥也要奮鬥。帝國主義者時時想制我們的死命。同時我們也時時想打倒帝國主義。所以我就希望諸同志。更要明瞭黨員的責任。官長要請假回家的。到這時候都不要請假了。學生在學校裏。就要更加知道自治。勉力求學。練好本事。總要我們隨時隨地都可以和敵人打仗才好……從前俄羅斯革命也受帝國主義者經濟的封鎖。三五天得不到一頓麪包吃。西伯利亞那樣冷。

的地方。冬天沒有棉衣穿。然而他們還是要堅忍做去。要打破被帝國主義的封鎖。他們是何等的奮鬥精神。現在我們的環境已和俄國一般的險惡。我們也應當耐苦耐勞來為革命奮鬥……天下無論什麼事情只有身受苦痛方能引起覺悟。沙基的慘案。香港英政府對我們經濟的封鎖。都是給我們民衆覺悟的頂好機會。這回我們同志死難無異他們在機關槍聲中大聲疾呼的告訴我們說「帝國主義的真相現在我們民衆都可以認識了」……

軍校第二期同學錄告成。公爲之序。序

曰。日本年四月下旬。余爲第一期同學錄作

序。會詳序東江戰事。諸生將士奮勇作戰。視死如歸之情狀。而推其原因。爲本黨總理主義之所感。因以勇往猛進。打破帝國資本主義。及其傀儡之軍閥。實行我總理三民主義。繼承先烈革命未成之志。不死不已。不成不止。爲諸生及將士勗更欲以同學錄。爲本校同學生死始終共同一致精神團結之寫真。使我世世同學與

同志。藉悉本校今日精神所在。且從而興起。繼續本校不斷革命之事業。歲月如流。瞬逾三月。而第二期同學畢業期屆。又以同學錄索序於余矣。余今日之所期望諸同學同志者。固猶是三個月以前之期望也。此外更何言乎。然卽此三個月之中。其足爲本校歷史上永久紀念之大事。又有二焉。一爲自東江旋師。掃除廣州叛軍。

爲參加沙基遊行慘被英法帝國主義者  
戕害前者雖幸獲勝利且成功之速頗非  
始願所及然我忠勇之學生將士又死傷  
多人余每覺掃除假革命派之可喜不足  
抵償喪失我親愛同志之可慘後者則直  
爲我國而尤爲本校之奇恥大辱身爲軍  
人張目視其同志受人屠戮而不能爲之  
復仇日惟忍痛以待時此恥不雪何以爲

人。此二事。皆我第二期同學所躬與。余知  
同學諸君之感想。亦必無異於余也。今日  
我同志所當驚惕者。非僅革命尙未成功。  
乃革命魔障且日益加甚。我輩誓打破帝  
國資本主義。及其傀儡之軍閥。帝國主義  
與軍閥。亦豈能束手待斃。彼爲自存計。惟  
出死力以謀顛覆我革命勢力耳。帝國主  
義與軍閥。進攻之猛。乃我革命勢力已足。

使彼恐慌之證明亦卽我革命事業將告  
成功之先機然果能成功與否惟視此最  
後五分鐘之努力如何若因環境日增困  
難稍存畏慮之心則必至前功盡棄終爲  
帝國主義與軍閥所屈服矣在最近三個  
月中我之困難已視從前加甚然余以爲  
此後之困難必更有什百千倍於今日者  
何以戰勝此困難亦惟恃我同志團結一

致勇往猛進不死不已不成不止而已。第二期同學畢業以後。安知不如第一期同學畢業未三月。卽有東江戰事。余又知第二期同學彼時之奮勇作戰。視死如歸。亦必與第一期同學無二致也。觀於楊希閔。劉震寰輩。距總理逝世未百日。卽已變叛。愈信余前次所言「不爲信徒。便爲叛逆。不爲同志。便爲寇仇」。絕非武斷。今日

又爲本校追悼沙基死難同志之日執筆  
序此尤悲愴不能自已我同學諸君乎念  
來日之大難懍責任之愈重中必永永爲  
總理主義最誠實之信徒已死諸同志  
最忠勇之同志茲錄殆其左券已中華民國  
國十四年八月四日蔣中正序於黃埔軍  
校。

復獎學生趙榮忠等 軍校第一期學生

趙榮忠、徐象謙、孔昭霖、白龍奇、任弘毅等  
函稱：「奉命回豫，服務於國民第二軍步  
兵第六混成旅教導團，兼充政治宣傳員。  
效力本黨，共矢忠勤。」等語。故公復獎之。  
五日上午，巡查各學生隊。  
在黨軍第一師部講演。

公聞香港英人積極備戰，必欲燬壞長洲  
全島，消滅埔校，制服廣東政府，憤不可遏。

呈請任命金誦盤代理軍醫處處長。郭大榮爲第一大隊隊長。馬光波、周學海爲少校教官。

六日。公以校款無人負責。憤而辭職。呈曰。爲呈請准予辭去。本兼各職。事竊中正仰荷先總理特達之知。任命爲陸軍軍官學校校長。本年四月二十九日。復蒙鈞會任命爲黨軍司令官。材輕負重。時虞弗

勝。惟。以。國。民。革。命。亟。待。完。成。黨。員。責。任。未  
敢。放。棄。輒。復。黽。勉。從。事。冀。圖。報。稱。奈。終。以  
才。短。體。弱。日。呈。竭。蹶。之。象。長。此。以。往。隕。越  
堪。虞。且。自。兩。次。入。院。醫。治。迄。今。精。力。猶。未  
復。原。校。務。軍。務。皆。甚。繁。劇。尤。非。衰。悴。之。身。  
所。克。擔。荷。中。正。責。任。心。重。既。自。知。不。能。有  
所。建。樹。更。何。忍。一。日。尸。位。輒。敢。陳。明。實。情。  
仰。懇。鈞。會。卽。日。准。予。辭。去。本。兼。各。職。所。有

任內一切經手事宜。可責成廖黨代表澈查。移交新任接替。中正回里休養。倘能恢復精元。則報黨國之日正長也。謹呈中央執行委員會。

### 附軍事委員會復函

逕復者。接貴委員會八月六日來呈。請辭去軍事委員會委員等職。當於本月十一日日本委員會第十七次會議。提交討論。僉謂先帥竭畢生之力。從事國民革命。不及目睹成功。齎志以歿。而遺其責任於我。後死現雖肅清反側。而如何

繼續努力。事務更繁。責任更重。軍事進行。現方發軔。本會同人。尤難稍懈。貴委員。忠勇成性。學識超羣。昔年。總理蒙塵。曾以一身當國難。邇來馳驅殺賊。尤能百戰建奇功。政府倚若長城。黨軍奉為泰斗。本會進行。正賴策畫。當經一致議決。懇切挽留。並推定朱委員培德代表同人。前往致意。務希念先帥付託之重。同志期望之殷。打消辭意。勉為其難。黨國幸甚。辭呈璧還。此致蔣委員中正。軍事委員會。啟。八月十二日。

是日國民政府裁撤廣西總司令暨省長。於籌備改組以前。所有廣西全省軍政民

政、財、政。着李宗仁、黃紹竑暫以廣西全省  
綏靖處名義負責辦理。

七日。軍校工兵隊試演水機關槍。

八日。大公子經國來埔校省親。留六日  
即歸

十日。呈請任命嚴爾艾爲軍校少校教官。

戴傳賢來長函痛詆共產黨。

十二日。呈請任命張與仁爲第三大隊  
隊長。侯連瀛爲少校教官。

十三日第三期學生明日出發實習行軍  
旅行下午三時公因與講話解釋三民主  
義以民生爲歷史中心之意義應始終立  
於本黨革命之地位隨時隨地廓清惡社  
會而使之日新又新也。全稿  
佚

呈請任命陳復爲第二大隊隊長。

軍校改編礮兵營 照編制表編爲三連。

官長由礮兵科畢業生選出。

十四日整天處理公文。病院中士兵假條。至此批畢。公自以如釋重負。嘗謂「余視傷病兵較子姪尤過之。帶兵官并此而不。在念則無良心之人。何足以任革命。」

下午朱培德軍長來談。退後公曰「此人誠一血性男子。可與共事也。」

呈請任命張性白爲軍校少校教官。

令輜重隊長黃在璣。教官李卓元。胡樹森。

黨軍第二師參謀長張治中。編纂東征及  
回定廣州戰史。

十五日。公以近日氣暴。思讀性理書以養  
之。

胡漢民與許崇智嫌隙日深。許有不相容  
之意。公勸胡離粵出洋。

十七日。訓勉黨軍司令部全體人員。研究  
辦事方法。〔節錄〕今天。是我們司令部改組  
後第一次部務會議。本司令官

也是第一次參加。本來司令官應該常在部裏同各位官長辦理一切。但因為被旁的職務牽制。不能常到部裏來。這是我深引為憾的。不過我們要知道我們這個司令部。與旁的司令部不同。旁的機關總離不了主幹的人督率。主幹的人不在事情就辦不好。中國已成了這樣的習慣。但是我們這個司令部的性質。比眾不同。因為部務就是黨務。各黨員辦理黨事。各有職務和責任。不一定要主幹的人督率的。因為我們個個都是黨員。而且受了訓練。雖不能說完全優良。總可說比旁的機關好得多。我們現在辦事。是依照科學的方法。分工合作的。原理來做。的事。事有條理。有系統。有組織的。這一點。就是我們司令部與旁的機關不同的地方。：：大凡司令

部裏面分參謀副官等處。在處之下再分出科。有公事的時候應歸某科辦理的。就分到某科。頭緒一點不亂。照這樣做去。我們軍部公事最多。每天一二百件。沒有辦不了的。若是系統分不清。範圍分不明。勤快的人太辛苦。懶惰的人太舒服。勞逸不均。結果勤快的人也會灰心。也會變成懶惰。這種弊病。旁的機關是常常有的。其原因就是主幹的人不懂得辦事的方法。他的部屬亦沒有這樣的訓練。辦事還要注意的。就是演繹法與歸納法。天下無論什麼事物。其中總有一種事理。而且我們一定可以找出這正當的事理。要找到這事理。就要將其中的成分一條一條的演繹出來。演繹之後。就可以辨別是非利害。先後輕重。然後再歸納起來。就可以得到一

個正當的結果。此外還要注重統計法。這統計是最要緊的。懂得統計。無論多少事物。也能把他的事物數類分別出來。再拿這逐個的數字統計起來。就可以得到一個總數。有了這一個總數。不但複雜變為簡單。而且糊塗能變成明瞭。所以辦事的。人。數字是最要注重的。……各位要明白。軍隊的事。完全是從下級官長做起。在下級官長的時代。才能做實在的事。到了中級官就不能像下級官作實在事了。若是到上級官。簡直不能作實在的事情。所以軍隊裏面最要緊的是下級官。我們黨裏下級幹部差不多比上級官還看重。這與待兵士比待官長還重要的道理一樣。所以希望各位在下級官的時代。做點真正的事。不要在外面去隨便嫖賭。一則把身

體弄壞。不能作事。二則我們是黨軍。隨處有人注意。稍稍有點錯處。就會受人指責。希望大家要自珍自愛。顧全黨軍的名譽才好。我們司令部還有一點不好。就是對於公共物件。不愛惜。隨處浪費。要知道我們的物品。從那裏來。是從政府領錢買來的。政府的錢。又從那裏來。是從人民身上收租得來的。所以我們所用的東西。就是民脂民膏。浪費了。去自問良心也過不去。以後就是一紙一筆。也要加意愛惜。凡是。一個機關。要看着他。有無精神。有無發展氣象。不用去看旁的。只要到他的大門。看他衛兵動作怎樣。其次到號房。看他有無條理次序。其次再看值星官辦事的手續。再到會客廳。看他清潔整理與否。及其勤務兵的動作。這幾點。雖然是表面上的事。然

而就可看出他內容。若是表面上的都整頓不好。內部就可想而知。除了看他衛兵。號房。值星官。勤務兵以外。再看廚房。廁所。浴室等地方。更可以看出全部的情形來。凡作事總要從小處做起。從前曾文正公講有兩句話。一規模遠大。綜理密微。一這是有絕大的辦事學問在裏面。才能說得出來。……我們司令部是一個學校。教你們。都。做。二十世紀的新人物。不要再去過十九世紀舊式的生活。我最恨的是我們中國人思想習慣行動。統統不合現在的。生活。尤其是萎靡不振的精神。苟且偷安的心理。變成了一個不死不活的半死人。我們革命黨不但振奮志氣。發憤爲雄。而且。要。拿。赤。心。熱。血。來。救。活。這。些。不。死。不。活。的。半。死。人。革命黨的責任。就是在此。我們

一般青年將校。既生在這二十世紀。就要作二十世紀的事。最要緊的。珍惜時間。不要虛耗去了。其次就要對於一切數量。弄得清清楚楚。絲毫不差。譬如要曉得一連有若干兵數。一團有若干槍數。然後才能預算經費。才能判斷實力。這時間與數量兩件事。真是辦事的秘訣。本司令一向辦事。就要講組織系統和範圍。分門別類的依次辦理。否則夜間就不能安睡。我很希望各位今天聽了我的話。以後務要依照我所說的方法。切實做去。將來得了成效。也不辜負你們到黨軍裏來做一番事業。

### 晚廖仲愷就談主義。

派蔣鼎文爲黨軍第五團代理團長。  
團部設魚

珠蒲氏  
宗祠

十八日。上午七時。在北校場檢閱步兵第

### 三團。

呈請任命譚毅夫爲軍校電學教官。

派鄒教官競爲河南考試入伍生委員長。

朱教官棠俞特別官佐墉爲委員。朱教官

毅爲上海考試入伍生委員長。

改稱後方病院爲軍校第一病院。隸屬於

軍醫處。

十九日。第二次檢閱步兵第三團。學科成績較第

四團  
為遜。

二十日。上午九時五十分。廖黨代表遇害。

仲愷。廣東惠陽人。父僑商於美生焉。性聰穎。擅中英文。年十七返國。二十二與何香

凝結婚。何資以遊東。專習政治經濟。隨孫公組織同盟會。辛亥鼎革。回粵司財政。

北伐時。鄧仲元濟械。仲愷輸餉。陳炯明忌之。刺鄧死。仲愷為囚。旋陳敗。孫公復主

粵政。與仲愷改組國民黨。成立黨軍。歷任財政部長。廣東省長。及財政廳長。平楊劉。

一役。以工。人部長資格。聯絡工人。奏績尤宏。時年四十有八。

仲愷赴

中央執行委員會例會。纔入大門。突遭暴徒狙擊。彈貫胸膈。急昇至廣東大學醫科學院施救。創劇遽殞。公聞警趨往。撫尸大慟。當場斃犯陳順一名。搜其身畔。有粵軍南路司令部參謀長梅光培槍照。

中央執行委員會。國民政府委員會。軍事委員會。開聯席會議。推公與汪主席。許總

司令組織特別委員會授以政治軍事及警察全權。

省城布告戒嚴令何師長飭各部分區警備並派一部前往觀音山駐防。

國民政府令古應芬廣東省民政廳長兼署財政

部長及廣東省財政廳長。

二十一日下午赴第一軍司令部出席特別委員會會議應付廖案及時局。

長洲島戒嚴。以第三期學生擔任沿海岸警戒。第二期學生爲全島總預備隊。並令飛鷹艦長黃振等監視江固艦。

呈請任命胡宗南爲黨軍教導第五團第

三營營長。

未到任以前着王世和暫代。

軍校舉行第二期學生畢業試驗。

二十二日下午在東山寓開特別委員會。二十三日晨面授何師長王參謀長機宜。

預定明日軍事行動。下午出席特別委員會。會議至午夜。又以外交關係暫緩舉發。軍校礮兵營、憲兵營、第四團統歸何師長指揮調遣。

派教官楊膺謂暫代本校管理處處長。

二十四日上午就廣州衛戍司令職。

下午在寓開特別委員會。決定明日逮捕各犯。

軍校教導第四團第二三營由沙角移駐

校內。准備出發教導第五團第四五六連由埔

開省城。

二十五日晨校隊擒獲林直勉張國楨。國楨

十月五日槍決梁士鋒等胡毅生林樹巍脫逃在

粵軍總部扣留梁鴻楷招桂章楊錦龍等

發見港英謀覆政府以梁鴻楷爲總司令

魏邦平爲省長之大陰謀乃卽緝拿魏逆

下午解散鴻楷錦龍士鋒在省城與西江各軍隊。

國民政府令設審理廖案特別法庭任命林森等九人爲檢察委員。

二十六日上午詣總部議事旋蒞工人請願大會講演。

派區隊長李啟楫率學生二十名押解廖案犯譚啓秀郭敏卿來埔。

公自廖案發生後夜睡未足二小時是夕  
大斡。

是日令江大江漢龍驤廣安光華寶璧江  
固七艦警備黃埔海面。

軍事委員會議決編組國民革命軍黨軍  
改爲第一軍。統轄第一二兩師。蔣中正任軍長建

國湘軍改爲第二軍譚延闓任軍長建國  
滇軍改爲第三軍朱培德任軍長建國粵

軍改爲第四軍。李濟深任軍長。福軍改爲第五軍。李福林任軍長。餘如贛鄂豫陝各小部則仍其舊軍政於以統一矣。

呈請任命何應欽爲國民革命軍第一軍第一師師長。統率學生總隊。

二十七日。下午出席特別委員會。

二十八日。上午看各國革命史。

下午赴總部參加俄國工黨代表及列寧

號艦人員歡迎會。

是日長洲島解嚴。

二十九日下午出席特別委員會。

令各大隊受教育長指揮。令曰現在各

大隊成立學術二科自應聯合一致術科

事務殷繁總隊長嚴重著暫免去各大隊

長統馭責任嗣後各大隊直接受教育長

指揮此令。

軍事教育處成立。呈請任命嚴重兼該處  
術科主任。張元祐兼學科主任。

三十日。上午七時。往訓第一師官兵。

下午出席特別委員會。

三十一日。下午一時。軍校開追悼。廖黨代  
表大會。公主祭演說。廖夫人攜子女蒞  
會。來賓有中央執行委員會主席汪兆銘。  
委員林森等。

公祭文

維中華民國十四年八月三十一日。蔣  
中正謹致祭於仲愷先生之靈曰。嗚呼。  
總理逝世未半載。而先生突死於兇  
徒之狙擊。是猶慈父見背。而盜又殺其  
長兄。國民革命之大打擊。中華民族之  
損失。豈祇三千學子。全軍將士。痛失師  
承。嗚呼。先生追隨總理革命二十餘

年。臨大節而不奪。屹然爲吾黨之長城。其好學深思。猶易及。最難能者。勇猛前進。獻身主義之精誠。先生積二十年之經驗。知非先有爲人民奮鬥之武力。進而以武力爲人民所有。則革命將終於無成。乃贊襄總理。手創本校。謬以中正爲知兵。一年以來。學子成業。黨軍成師。皆賴先生之殷勤訓誨。辛苦經營。東

江、廣州諸役。奉主義以深入羣衆。所至得簞食壺漿之迎。先生持不妥協之特性。與反革命派不兩立。多士受其感化。殺賊之速。乃爲舉世所震驚。國民政府成立。先生爲其中堅。禁煙、絕賭、統一軍政、財政、援助罷工工人。皆以促國民革命之進行。庸詎知道高一尺。魔高一丈。先生爲羣小所側目。竟作主義之犧牲。

嗚呼。國人相驚之赤化。在事實。羌無根據。在理論。徒蒙惡名。先生盡瘁於黨國。人皆知其無私怨。其扶助農工團體。乃欲救民生之困苦。泯人類之不平。羣小曷爲而殺先生。甘爲帝國主義者之虎俵。其事甚明。先生之死。乃革命反革命之決戰問題。而決非所謂共產反共產之爭。嗚呼。民國五年之夏。英士遇害於

滬濱中正經紀其喪。其中夜不寐。痛哭失聲。匪僅以慟其私。實慮無英士在。更難制止。大憝之專橫。自茲以後。哭執信。哭仲元。皆切人亡國瘁之痛。惴惴焉懼大廈之將傾。今先生又殞命於外人屠戮我國同胞之時。雖罪人斯得。亦何足稍減後死者傷痛之情。嗚呼。我本黨同志。何以慰先生在天之靈。亦惟奉行遺

訓。澈底革命。人孰不死。爲革命而死。爲  
主義而死。爲擁護黨國利益而死。則其  
死何如泰山之重。輕。嗚呼。成敗利鈍。非  
所逆睹。鞠躬盡瘁。死而後已。中正曩以  
昭告於總理者。今又敢以昭告於先  
生。九原有知。來格來歆。嗚呼。尙饗。

### 節錄公演說詞


黨代表的精神歷史。黨代表與本校的  
關係。已由汪先生講得很明白了。黨代

表的死。是一般反革命派用反共產的口號打死的。目黨代表爲共產黨他生的他的事業。尤其對農工的事業是很多的。他的精神是集中。在黃埔陸軍軍官學校及黨軍的身。上。黃埔軍官學校學生及黨軍就是廖先生最親愛的子弟。我們永遠留着紀念。不要忘記了。我們學校裏我們黨軍裏沒有什麼共產派與反共產派。完全以三民主義爲中心。完成國民革命以後。要使廖先生死在地下。瞑目。只有努力奮鬥。達到廖先生生前的希望。現在我們的環境非常險惡。處在四面楚歌之中。最利害的是帝國主義。用反共產的口號。來離間我們同志。中傷我們同志。所欲謀殺的不止廖先生一人。汪先生和本校長都在內的。

所以汪先生和我何時死是不得而知的。如果黨代表死後我們還不澈底覺悟。更中了敵人的奸計了。大家以後務要繼續黨代表的遺志和他平日所指示我們的……

派第一大隊防衛各兵艦及埔校與長洲要塞部並看守押犯。

國立中央圖書館



0048280

